

Specialist në Sektorin e Kornizës Referuese Gjeodezike,, në Drejtorinë e Gjeodezisë dhe Hartografisë, në Autoritetin Shtetëror për Informacionin Gjeohapësinor.

Në zbatim të Ligjit nr. 7961, datë 12.07.1995, të Kodit të Punës së Republikës së Shqipërisë, të ndryshuar, Ligjit nr. 72/2012, “Për organizimin dhe funksionimin e Infrastrukturës Kombëtare të Informacionit Gjeohapësinor në Republikën e Shqipërisë”, Vendimit nr. 147, datë 20.2.2013, të Këshillit të Ministrave, “Për miratimin e rregullores, “Për organizimin dhe funksionimin e Autoritetit Shtetëror për Informacionin Gjeohapësinor””, të ndryshuar dhe Urdhrit të Kryeministrit nr. 04 datë 08.01.2024, “Për miratimin e strukturës dhe të organikës së Autoritetit Shtetëror për Informacionin Gjeohapësinor”, Autoriteti Shtetëror për Informacionin Gjeohapësinor shpall konkurimin për 1 (një) vend të lirë pune në pozicionin:

- **Specialist në Sektorin e Kornizës Referuese Gjeodezike, në Drejtorinë e Gjeodezisë dhe Hartografisë, në Autoritetin Shtetëror për Informacionin Gjeohapësinor**

DETYRAT DHE PËRGJEGJËSITË E POZICIONIT PËRMBAJNË POR NUK KUFIZOHEN NË:

1. Zbatimin dhe kontrollin e të gjitha punimeve që lidhen me evidentimin, zyrtarizimin dhe zbatimin e standardeve të BE-së, në krijimin, mbledhjen, ruajtjen, përditësimin dhe aksesin me të dhënat gjeodezike të përfshira në të gjitha temat që parashikohen në pikën 2, të nenit 11, të ligjit nr. 72/2012 dhe VKM nr. 669/2013 që lidhen me Kornizën Referuese Gjeodezike;
2. Krijimin e strukturës kombëtare të krijimit, grumbullimit dhe ruajtjes së të dhënave gjeodezike;
3. Nohjen dhe përdorimin e programeve gjeodezike me karakter të theksuar teknik dhe shkencor (Berneze,G++);
4. Ndjekjen dhe bashkërendimin e veprimeve dhe nismat e autoriteteve publike në fushën e informacionit gjeodezik;
5. Kryerjen e vlerësimit paraprak, në bashkëpunim me sektorët e tjerë, të nismave në fushën e infrastrukturës së të dhënave gjeodezike që autoritetet publike paraqesin pranë ASIG;
6. Pjesëmarrjen në hartimin e draft/akteve-nënligjore/udhëzuesve të nevojshëm për kryerjen e punimeve gjeodezike bazë që lidhen me Kornizën Referuese Gjeodezike Shqiptare si dhe për kryerjen e punimeve për ndërtimin, mirëmbajtjen dhe përditësimin e rrjeteve gjeodezike për përdorim lokal;
7. Mbledhjen e të dhënave lidhur me punimet gjeodezike që kryhen në territorin e vendit, i analizon, i përditëson dhe propozon për aksesueshmërinë për subjektet e interesuara nëpërmjet Gjeoportalit Kombëtar;

8. Propozimin e akteve të nevojshme nënligjore që lidhen me aktualizimin e rregullave, procedurave dhe dokumentimin e punimeve në fushën e gjeodezisë nga përvoja ndërkombëtare dhe situata brenda vendit;
9. Ndjekjen kryesisht të problematikave që përfshijnë rrjetin gravimetrik, rrjetin e pikave magnetike dhe mareografike;
10. Kontrollin e çdo punimi në mënyrë që produkti të jetë në përputhje me kuadrin ligjor në fuqi;
11. Referimin e çdo problematike të identifikuar gjatë procesit të punës dhe lënien e rekomandimeve përkatëse;
12. Menaxhimin e bazës së të dhënave gjeodezike, të mbledhur nga ASIG, autoritetet publike apo palët e treta, sipas fushës së veprimtarisë së këtij sektori;
13. Përgatitjen e materialeve informuese për përgjegjësin e sektorit dhe sipas rëndësisë dhe Drejtorin e Drejtorisë lidhur me realizimin e detyrave si dhe rast pas rasti për problematikat e hasura gjatë punës së tij;
14. Kryerjen e çdo funksioni të ngarkuar nga eprori, për realizimin e veprimtarisë së sektorit dhe ASIG;
15. Kontrollin dhe përpunimin e çdo produkti të marrë nga autoritetet publike apo palët e treta.

KËRKESA TË PËRGJITHSHME PËR KANDIDATËT

1. Të këtë mbaruar studimet e larta e të zotërojë diplomë “Master profesional” në një nga këto profile: Gjeodezi/Gjeoinformatikë/Informatikë/Teknologji informacioni;
2. Të këtë përvojë pune 1 vit në fushën përkatëse;
3. Të zotërojë njohuri të gjëra të fushës, të metodave kërkimore që ndihmojnë në përgatitjen e raporteve bazike ose analitike, aftësi për të integruar informacionin me politikat institucionale, aftësi për të identifikuar dhe qartësuar çështje, për të dhënë mendime alternative të mbështetura në përvojën profesionale, aftësi për të vlerësuar opsione politikash dhe për të parashikuar pasojat nga përzgjedhja e tyre;
4. Të zotërojë aftësi të mira komunikimi, propozim dhe menaxhim projektesh si dhe aftësi të mira raportimi, aftësi për të suportuar kryerjen e punimeve hartografike me standarde të nivelit që kërkon integrimi europian i vendit, aftësi për të punuar në grup dhe aftësi për të qënë lider i grupit;
5. Të njohë mire gjuhën angleze, edhe njohja e gjuhëve të tjera është prioritet;
6. Të zotërojë njohuri teorike dhe praktike shumë të mira në fushën e Gjeodezisë së Lartë;
7. Të këtë njohuri të thelluara teorike lidhur me Sistemet Satelitore Globale të Navigimit (GPS, GLONAS, GALILEO etj);
8. Të këtë njohuri të thelluara teorike lidhur me sistemet e ndryshme të referencës që përdoren në vend dhe transformimin gjeodezik të koordinatave lokale në sisteme europiane koordinative;

9. Të ketë njohuri të thelluara teorike dhe praktike lidhur me fazat e projektimit, ndërtimit, mirëmbajtjen dhe përditësimin e rrjeteve përbërëse të Kornizës Referuese Gjeodezike;
10. Të ketë njohuri për organizmat e BE-së që trajtojnë Gjeodezinë dhe zhvillimin e standardeve gjeodezike si EUREF, OGC, Eurogeographics, IAG etj;
11. Të jetë krijuar në lidhje me zhvillimin në përputhje me standardet europiane të infrastrukturës kombëtare të informacionit gjeohapësinor;
12. Të ketë njohuri të legjislacionit shqiptar në fushën e informacionit gjeohapësinor.

PAGA PËR POZICIONIN ËSHTË NË KATEGORINË (IV-1)

PARAQITJA E DOKUMENTEVE:

Kandidati duhet të dërgojë brenda datës 15.08.2024, në Autoritetin Shtetëror për Informacionin Gjeohapësinor në adresën: Rruga “Papa Gjon Pali II” Nd. 2, H. 3, 1010, Tiranë ose në adresën e e-mailit burime.njerezore@asig.gov.al, këto dokumente:

- Kërkesë për aplikim
- CV
- Fotokopje të diplomës dhe listës së notave
- Fotokopje të librezës së punës
- Fotokopje të certifikatave të kualifikimit (nëse ka)
- Fotokopje të dëshmimeve të gjuhëve të huaja (nëse ka)
- Vërtetimin e gjendjes gjyqësore
- Të paktën një letër rekomandimi
- Një numër telefoni si dhe adresën e plotë për t’u kontaktuar.

Mosparaqitja e plotë dhe brenda afatit e dokumenteve sjell skualifikim të kandidatit.

Pas datës 15.08.2024, aplikantët të cilët kalojnë fazën e parë të vlerësimit, do të njoftohen me e-mail për datën dhe orën e zhvillimit të intervistës.